



God I Laik Yu  
Save Long Dispela  
4-pela Samting

## **Yu no inap i go long heven, God yet i mas kisim bek yu.**

"Long wanem olgeta manmeri i bin mekim sin na ol i kamap sot long mak bilong glori bilong God." (Rom 3:23)

"Yupela mas painim Bikpela long taim yupela inap kisim Em, yupela mas singaut long Em taim Em i stap klostu." (Aisaia 55:6)

"Na God i bin makim wanpela taim bilong ol man i mas i dai. Na bihain long dispela i gat kot." (Hibru 9:27)

"Long wanem pe bilong sin em i dai." (Rom 6:23)

"Sapos wanpela man i no kamap nupela gen, em i no inap lukim kingdom bilong God." (Jon 3:3)

"Samting bodi i karim, em i bodi. Na samting Spirit i karim, em i spirit." (Jon 3:6)

## **Yu no inap kisim bek yu yet.**

"Long wanem i no gat wanpela man bai i kamap stretpela long ai bilong God long pasin bilong bihainim lo." (Galesia 2:16)

"Long wanem, long marimari, Em i bin kisim bek yupela pinis long bilip tru. Na dispela em i no samting yupela yet i bin mekim. Nogat. God i givim nating long yupela. Dispela i no bin kamap long ol wok bilong yumi. Nogat. Nogut wanpela man i ken litimapim nem bilong em yet." (Efesas 2:8,9)

"Jisas i tokim em, Mi yet Mi rot, na Mi as bilong tok tru, na Mi as bilong laip. I no gat wanpela man inap kamap long Papa long narapela rot. Nogat. Long Mi tasol." (Jon 14:6)

"Na rot bilong kisim bek man i no i stap long narapela. Long wanem i no gat narapela nem aninit long heven na God i bin givim namel long ol man, em i bilong kisim bek yumi. Nogat." (Aposel 4:12)

## **God i wokim rot pinis bilong kisim bek yumi.**

"Long wanem God i no bin makim yumi bilong kisim belhat bilong Em. Tasol Em i bin makim yumi bai Bikpela bilong yumi Jisas

Kraist i ken kisim bek yumi. Em i bin i dai bilong helpim yumi, na sapos yumi stap laip o dai pinis, bai yumi stap laip wantaim Em."

(1 Tesalonaika 5:9,10)

"Long wanem God i bin laikim tru ol manmeri bilong dispela graun. Olsem na Em i bin givim dispela wanpela, Em i Pikinini Man tru bilong Em, bai olgeta man i bilip long Em ol i no ken lus. Nogat. Tasol ol i kisim laip i stap gut oltaim oltaim." (Jon 3:16)

"Long wanem, Kraist tu i bin karim hevi bilong ol sin wanpela taim tasol. Em i stretpela olgeta na Em i senis wantaim man i no stret, bai Em i ken bringim yumi long God." (1 Pita 3:18)

"Long wanem pe bilong sin em i dai, tasol presen nating bilong God em laip i stap gut oltaim oltaim. Na dispela i kam long wok bilong Jisas Kraist Bikpela bilong yumi." (Rom 6:23)

### **Bikpela Jisas em inap kisim bek yumi na lukautim yumi.**

"Olsem na Em inap tu long kisim bek olgeta, ol husat i kam long God long nem bilong Em. Long wanem Em i stap laip oltaim oltaim bilong mekim pasin namelman bilong helpim ol." (Hibru 7:25)

"Nau long Man Em inap holimpas yupela na yupela i no inap pundaun, na sanapim yupela klinpela tru long ples tru bilong glori bilong Em long bikpela amamas tru." (Jut 24)

"Em yet i bin karim pen long traime. Olsem na Em inap long helpim ol man i gat traime i kamap long ol." (Hibru 2:18)

"Olsem na sapos wanpela man i stap insait long Kraist, orait dispela man em i nupela man tru. Ol olupela samting i pinis, na harim, olgeta samting i kamap nupela." (2 Korin 5:17)

### **Olsem na Yu mas tanim bel.**

"Tasol nau Em i givim strongpela tok long olgeta man long olgeta hap graun olsem, ol i mas tanim bel." (Aposel 17:30)

## **Yu mas bilip.**

"Yu mas bilip long Bikpela Jisas Kraist na bai God i kisim bek yu, na ol wanhaus bilong yu i mas mekim olsem." (Aposel 16:31)

## **Yu mas autim ol sin bilong yu long God.**

"Sapos yumi autim sin bilong yumi, God Em i Man yu inap bilip long En na Em i stret olgeta bilong lusim ol sin bilong yumi, na klinim yumi long olgeta pasin i no stret." (1 Jon 1:9)

## **Yu mas autim bilip bilong yu long ai bilong ol manmeri.**

"Em i olsem, sapos yu tok yes long maus bilong yu olsem, Jisas Em i Bikpela, na sapos yu bilip long bel bilong yu long God i bin kirapim Em long i dai, orait bai God i kisim bek yu. Long wanem, long bel man i save bilip na i kamap stretpela, na long maus, em i save autim bilip na God i kisim bek em." (Rom 10:9-10)

Sapos yu bin putim bilip bilong yu long Bikpela Jisas Kraist bihain long taim yu bin ritim dispela gut nius pepa, plis larim mipela i save.



### **FELLOWSHIP TRACT LEAGUE**

P.O. BOX 164 • LEBANON, OH 45036

[www.fellowshiptractleague.org](http://www.fellowshiptractleague.org) © Tract 2200 (Pidgin)

All tracts free as the Lord provides. Not to be sold.